

SHPALLJE PËR VEND TË LIRË PUNE

Në mbështetje të:

- Ligjit nr.139/2015, “Për vetëqeverisjen vendore”,i ndryshuar,
- Ligji nr.7961, datë 12.07.1995 Ligjin nr.7961, datë 12.07.1995 "Kodi i Punës i Republikës së Shqipërisë" (i ndryshuar) dhe aktet nenligjore dalë në bazë e në zbatim të tij;
- Nr. 152, datë 21.12.2015 “Për Shërbimin e Mbrojtjes nga Zjarri dhe Shpëtimin” dhe aktet nenligjore në zbatim të tij;

Bashkia e Elbasan shpall procedurat e konkurimit për vendet e lira të punës :

Pozicione të nivelit bazë në Shërbimin për Mbrojtjen nga Zjarri dhe Shpëtimin në Bashkinë Elbasan.

Përshkrimi I përgjithshëm I vendit të punës :

Shërbimi I MZSH-së është një strukturë e specializuar e gatishmërisë së përhershme, misioni i të cilës është inspektimi, parandalimi me masat e marra për mbrojtjen nga zjarri, ndërhyrja për shuarjen e zjarreve, shpëtimi i jetës,gjëse së gjallë,pronës,mjedisit,pyjeve dhe kullotave në aksidente të ndryshme, fatkeqësi natyrore, si dhe në ato të shkaktuara nga dora e njeriut.Luftues, Shpëtuesi/drejtues automjeti, është personi i emëruar në strukturat e shërbimit të MZSH-së, i trajnuar profesionalisht për të ndërhyrë në shuarjen e zjarreve dhe shpëtimin e jetës së njeriut, të gjësë së gjallë dhe pronës.Duhet të njohë dhe të zbatojë orarin e veprimeve, të dijë pozicionin në shërbim dhe detyrat e tij funksionale, të jetë në çdo kohë në gadishmëri të lartë për të vepruar në zgjidhjen e situatave që ndodhin, të njohë dhe të zbatojë rregullat e brendshme në stacion dhe të sigurojë paprekshmërinë dhe abuzimin e mjediseve, teknikës, paisjeve etje, të mbajë pastër të gjitha ambjentet që disponon stacioni, të jetë i sjellshëm në komunikim me qytetarët që kërkojnë ndihmë, me kolegët duke pasqyruar një figurë qytetare dhe humane.

Kandidatët duhet të plotësojnë kërkesat e posaçme si vijon:

- a) të jetë shtetas shqiptar;
- b) të ketë zotësi të plotë për të vepruar;
- c) të jetë në gjendje të mirë shëndetësore dhe i/e aftë fizikisht për të kryer detyra me rrezik të shtuar;
- ç) të mos jetë i përjashtuar nga shërbimi zjarrfikës, Policia e Shtetit apo nga institucionet e tjera të administratës publike;
- d) të ketë mbaruar arsimin e mesëm;
- dh) të mos jetë i/e dënuar me vendim të formës së prerë, për kryerjen e një vepre penale me dashje;
- e) të jetë i/e moshës nën 30 vjeç;
- ë) të mos ketë rekorde kriminale në organet e policisë dhe prokurorisë (vërtetim personaliteti nga organet e policisë dhe prokurorisë)
- f) të ketë përfunduar testimin fiziko-profesional dhe kursin përkatës pranë Akademisë së Sigurisë ose në qendra të trajnimit zjarrfikës;
- g) të jetë me vendbanim sa më pranë stacionit të MZSH-së;

- g) për gjininë mashkullore personi duhet të jetë me gjatësi jo më pak se 175 (njëqind e shtatëdhjetë e pesë) cm;
- h) për gjininë femërore , personi duhet të jetë me gjatësi jo më pak se 165 (njëqind e gjashtëdhjetë e pesë) cm;
- i) të jetë me peshë trupore që t'i përgjigjet raportit të gjatësisë;
- j) të jetë i pajisur me dëshmi të aftësisë së drejtimit të automjetit të grupit “C”;
- k) kandidati për personelin drejtues automjeteve zjarrfikëse dhe shpëtimi në shërbimin e MZSH-së duhet të jetë i pajisur me leje drejtimi automjeti, grupi “D”; si dhe me leje drejtimi të veçantë shërbimi , konform kërkesave të Kodit Rrugor.Kanë prioritet kandidatët që zotërojnë profesione si mekanik,shofer,hidraulik,marangoz,infermier,elektriciçist etj.

Dokumentacioni ,mënyra dhe afati i dorëzimit

Kandidatët duhet të dorëzojnë dokumentat si më poshtë:

- 1) Formular aplikimi për pranim në shërbimin e MZSH-së;
- 2) Curriculum Vitae;
- 3) Fotokopje e Kartës së Identitetit;
- 4) Çertifikatë e përbërjes familjare;
- 5) Fotokopje e diplomës së shkollës dhe lista e notave e noterizuar;
- 6) Fotokopje e librezës së punës;
- 7) Raport mjeko-ligjor;
- 8) Fotokopje të dëshmisë së aftësisë së drejtimit të automjetit të tipit “C”;
- 9) Çertifikatë e gjendjes gjyqësore ;
- 8) Vërtetim i gjendjes gjyqësore;
- 9) Vërtetim nga prokuroria;
- 10) Dokument i lëshuar nga institucionet shëndetësore që vërteton se nuk është përdorues i lëndëve narkotike.
- 11) Një numër kontakti (e-mail) si dhe adresën e plotë të vendbanimit;
- 12) Fotokopje dëftese pjekurie;
- 13) Refencë me karakteristika specifike nga punëdhënësi I fundit (nëse ka);
- 14) Çertifikatën që ka përfunduar me sukses testimin fiziko – profesional dhe kursin përkatës pranë Akademisë së Sigurisë ose në qendra të trajnimit zjarrfikës;
- 15) Dy fotografi (2.5 x 3.5 cm)

Dokumentat e përmendura më sipër, duhet të dorëzohen pranë Bashkisë Elbasan në Drejtorinë e Administratës, Burimeve Njerëzore dhe Monitorimit të Performancës, me postë ose dorazi në një zarf të mbyllur të bëhet brenda datës 24.02.2023

Rezultatet për fazën e verifikimit paraprak

Në përfundim të afatit të verifikimit paraprak Bashkia Elbasan do të shpallë kandidatin që plotëson kushtet e përgjithshme dhe kriteret e aplikimit, të kërkuara më sipër.

Kandidati i kualifikuar në lidhje me dokumentacionin e paraqitur do të njoftohet në mënyrë elektronike/email-mesazh, për datën, vendin dhe orën e zhvillimit të procedurave.

Kandidatët e pa kualifikuar do të njoftohen në mënyrë elektronike /email- mesazh për arsyet e mos kualifikimit.

Fusha kryesore mbi të cilën bazohet konkurimi.

Ligji nr.139, date 2015, “Për vetëqeverisjen vendore”,i ndryshuar,

Ligji nr.7961, datë 12.07.1995 Ligjin nr.7961, datë 12.07.1995 "Kodi i Punës i Republikës së Shqipërisë" (i ndryshuar) dhe aktet nënligjore dalë në bazë e në zbatim të tij;

Ligji nr. 152, datë 21.12.2015 “Për Shërbimin e Mbrojtjes nga Zjarri dhe Shpëtimin” dhe aktet nënligjore në zbatim të tij;

Mënyra e vlerësimit të kandidatëve:

Kandidatët që kualifikohen për të vazhduar procesin e pranimit në shërbimin e MZSH-së u nënshtrohen fazave të konkurimit, sipas rendit të mëposhtëm:

- Testim me shkrim ,
- Testim i aftësive fizike,
- Intervistë me gojë,
- Verifikim përfundimtar i aplikimit.

Procedura e konkurimit do të ndjekë këto faza:

- Testi me shkrim, shërben për të vlerësuar nëse aplikanti zotëron njohuritë dhe aftësitë e nevojshme për kryerjen e detyrave të punonjësit të shërbimit të MZSH-së.Aplikantët që kanë marrë 70% të pikëve të përcaktuara për testin me shkrim, do të njoftohen për të vazhduar procesin e testimit të aftësive fizike.
- Testim i aftësive fizike, teston aftësitë psiko- motore, ku përfshihen: shpejtësia, shkathhtësia fizike, rezistenca, forca muskulare dhe koordinimi fizik, të domosdoshme për punën e punonjësit të shërbimit të MZSH-së.Pikët maksimale të përcaktuara për këtë test janë 100.Aplikantët që kanë marrë mbi 60% të pikëve maksimale vazhdojnë procesin e testimit.
- Interviste me gojë konsiston në testimin e aftësive të aplikantit për të komunikuar qartë, për të shprehur ide dhe koncepte, si dhe për të analizuar e për të marrë vendime.
- Testimi psikologjik konsiston në vlerësimin e aftësive të kandidatit për të reaguar në mënyrën e duhur në kushtet e një stresi minimal.

Kandidatët fitues do të renditen sipas numrit të pikëve të marra dhe përzgjedhja e kandidatëve për t'u emëruar do të fillojë nga kandidati fitues që ka marrë më shumë pike.

Njoftimi i fituesit do të shpallet pas përfundimit të afatit të ankimimit.